

ESTILO Salud Moda Beyesa

E importancia di Abeha riba e mundo aki

ORANJESTAD (AAN): Anualmente ta celebra Dia di Tera riba e fecha di 22 di April. Hunto cu e celebracion aki tambe ta scohe e tema ta concientisa mundo completo. Aña a dedicacion ta riba e especienan cu sigur ta hopi importante no solamente mundialmente pero tambe na Aruba. E especie cu ta worde enfoca riba dje ta Abeha. Bo tabata sa con importante un Abeha ta? Bo tabata sa cu Abeha pa polonisa mayoria flor?

Awendia nos Departamento di Agricultura, Cria y Pesca Santa Rosa pa algun aña caba a stop completamente cu uzo di pesticidanan kimico cu ta dañino pa nos medio ambiente y mas ainda pa nos Abehanan. Nos ta conseha nos agricultornan pa haci uzo di otro tipo di pesticidanan mas biologico y/of natural posibel. Esaki ta pa cuida nos abehanan mas tanto posibel

Loke bo mester sa di abeha y con pa yuda protegenan. Abeha ta un especie hopi extraordinario cu ta existi den tur tipo di clima mundialmente. For di mondinan grandi te cu Deciertonan di Africa incuyendo circulo Polar Artico. E diferente abeha y nan habitad ta deferencia di lugarnan manera na Merca c unan ta biba bou tera, buraconan y den mata.

Durante gran parti di e ultimo diez añanan tras di lomba Apicultornan di Merca y Europa ta reporta peridat di anualmente di ciclo di Abeha di mas 30% substancialmente mas di loke ta worde considera normal of sostenibel. Echo ta di un di cada cuater Abeha Salvahe na Merca ta den riesgo di

extencion.

E poblacionnan mundial di Abeha ta den extencion. Incuyendo e Abehanan di Honing y Abehanan Salavahe Nativo. Ehempel ta e Abehanan tipo geel ta mas abundante den parti noord di Wisconsin den mas o menos den decada di 1990 y den transcurso di diez aña cu un representacion di menos di 1% di e poblacion di abehanan di Estado. Den estado di Oregon e Abehanan di "Franklin" probablemente e extingui durante e mesun periodo.

Ciclo di Abeha y característica:

Abehanan ta biba hunto den cas. Den un cas por tin mas o menos 50.000 pa 60.000 Abeha. Den e castin e Abeha muher (Abeha Trahado) Abeha Hombey y un Abeha Reina. E reina su curpa ta mas largo. E tin un pui pa defende su mes. E reina su pui ta mas largo cu e abeha muher y e no ta stret. Eta uza su pui solamente contra otro reina. E reina ta e abeha cu ta pone webo y e por biba te cu 7 aña. E reina por pone 1000 pa 3000 webo pa dia. Ningun reina ta permiti pa un otro reina den nan cas. Dado caso cu esey mester tuma lugar nan lo bringa pikando otro te cu un muri uzando nan pui. Un otro característica di abeha ta cu si tin mas cu un reina ta bay nace, esun cu nace prome lo pika tur e otro nan mata prome cu nan nace.

E Abeha muher ta esun di un tamaño mas chikito. E cas mester di hopi trahado y nan ta haci e trabao di tanto paden y pafo di e cas. Nan trabao ta cuminsa for di ora

nan nace. Nan ta biba mas o menos 5 pa 6 siman. E abeha muher tin su patanan pa tras cu cabey. Den esaki eta warda e puiro di e flornan cu e bishita. E Abeha muher tambe tin su pui pa defende su mes, pero si e uza esaki ta nifica su morto.

Trabaonan di e abeha muher:

Cuminsando for di dia 1 pa 3: eta haci limpi y eta kibra y come e tapa di wax pa e sali

4 pa 12 dia: E Abehanan cu ta bay nace eta crianan cu honing y puiro for di e flornan. E reinanan ta haya cuinda special cu ta e "Royal Jelly"


Di 13 pa 17 dia: eta cuminsa traha e Wax. Di 18-21 dia: Eta cuida e cas y eta percursa pa ningun enemigo drenta (otro insecto). Di 22 dia y te ora cu e muri eta busca e nectar pa traha honing y puiro di e flornan pa nan come. E nectar eta wante den su stoma y e puiro di flor na su patanan

Abeha homber:

E Abeha homber no ta traha asina hopi mescos cu e Abeha muher. E no tin un trabao y ta biba mas o menos 5 pa 6 siman. Eta worde cria cu cuminda for di e Abeha muher te dia cu e brui cu e Abeha reina. Na momenro cu e caba di brui cu e reina eta worde cori for di cas y elo muri di hamber.

Pakico nos mester protega nos abehanan:

Tur mata mester di Abeha pa polonisa cu ta haci Abehanan ta e polinisadonan indispensable di mayoria di eco-sistema. Tin mas cu 369.000 especie di mata y flornan. E 90% di nan ta depende di polonizacion di insecto. Un Abeha riba




su mes por bisita di 50-1000 flor den un trayectoria di viahe. Si un Abeha relaisa diez viahe pa dia di un colonia di 25.000 Abeha e por poloniza 250milyon flor den un dia.

Abehanan ta un tipo di especie hopi clave cu otro tipo di especienan cu ta depende di e Abeha pa nan por sobrevivi. Hopi especie di animalnan ta depende di e Abeha pa nan supervivencia debi cu nan fuente di alimento incuyendo nuts, diferente fruta y simia ta depende di polonizacion di insecto.

Polonizacion no solamente ta haci alimentonan

disponibel pa otro organismo, pero tambe ta permiti crecimiento floral cu ta crea habitad pa animal y otro insectonan.

Awor bo ta mas conciente di con importante un Abeha ta. Ban cuida nan y percursa pa nos no uza pesticidanan kimico p acaba cu otro tipo di insectonan cu kisas ta causa problema na bo cas of cunucu. Pero tambe lo bo caba cu e Abehanan c uta hopi esencial pa loke ta polonizacion di flornan.



The Eighth
Continent, INC.
Import & Export



Arendstraat 103 Oranjestad Aruba P.O. Box 440, Aruba
Tel: (297) 582-1304, Fax: (297) 583-5083
Website: www.tecaruba.com